

或心不能專精神紛錯或積罪作咎以犯天忌或虛增經方以意損益凡如此者往往相尋此皆浮華之人傲穢之士為有虛言不可敬也故使大道不匝於天下真仙希遊於世間皆人之深責非吾黨之咎累矣夫訣在平淡无營內視八道數神垂魂不苟不保灰塵九魂抱一遊冥五藏莫放液炁玄凝臨死生而不畏對奇惟而不傾縱天形於空同歛神和而守精於是大試於何而起妖罔從何而生金石不能比其大質八流不能敵其淵停澄正之才實由天生亦可學而速獲亦可不求而成矣格而言之仙非強可求真非干可營自无玄籍自不得聞智慧之經自无玉書終不見吾神金虎章自非懇慕飛仙不得知太極上清摠而言之分也志也精也懃也行陰德也救災厄也慧窮困也立仁功也都而統之慈心以對萬物勿行凶心以向萬生道要之門戶矣獲道之曲室也子懃誦而思上靈將告子難通之辭或心開而解宗朗神而真來萬鬼走進篤病不治妖注竄伏疾愈即

時實賴神虎以威六天亦由智慧御消魔之醫也百經解脫心炳神康六和長安七精關朗衆羅連縱不存不亡大哉上真太上元功諷及於此上拜四方大以尊我神文黃道大章矣若誦經未滿三千遍而中止者又當更齋誦之三千遍不得詎前為數也

洞真太上說智慧消魔真經卷之一

正一天師清微弟子共百堅製作
道教學術資訊網

洞真太上說智慧消魔真經卷之二 內二

入定品

太上八術智慧滅魔神虎隱文得者入定生
生无死上相青童撰合成章

若有篤志宿命應見此文受之皆當齋戒費金龍玉魚盟誓皆是天下萬精群靈之名千魔萬妖之隱諱也故撰之成文太一帝君常以鬼兵衛之慎勿輕傳太上大道君爰乃自彈景龍雲璈宵音千逸萬響纏激流激鬱勃紫鶴迴蔭玄風八發放是玉鳳延頸金鷲整悉龍吟碧波虎躍神州九嘯和唱玄鈞洞无伏獸攘袂猛馬張喉揭嶽橫林街劍攝邪衆聲紛亂百狼攫妖爾乃命玉清上官侍女安法嬰田四非趙定珠存雲門等合歌揮神之詩滅精散靈之曲其辭曰汎汎太霞戀八浮造雲營神宗理靈襟龍翰秀玉京金門纏蔚裕九房朗紫瓊高駕涉北元蕭蕭入无生朱虎導靈師綠轅登上清四玄明朝禁抱華還鳳城七難尚梵綠擬標九元衢宣曜寶太陽颯矚躡景敷整控塔素鄉河靈已前驅陰雲

帶夜日燭月欽交初結明未生神勢領同反
无萬源瀉北谷乘空歸流星滅景擢浮游我
峯自霄漫纏綿嘉樂宿妙微挺虛向逸宅丹
玄本太空道亦暢幽明秉靈符闡推豈乖喪
落玄表群會生始似久夢德隱冲内迹至寂
不覺當神精感太素煙映在所之玄響奏豪
外幽條焉能疑協晨鼓長扇暉霞生在茲絕
洞溟溟流翔翅六領臺神王入玉虛至无侵
朱兵九羅邁幽遠妙會亦已平道藏金極章
彈調赫栢桀千龍吐綠水九河倒竭傾洪藹
攝絕宅靈浪四蓋庭齋首隨曾字莫檢形與
名領技納元和秀縱玄執理含精灼雲房蕭
倅清零紀靈道趣蘭關玄玄即排起萬峯但
奇觀雲上有瓊子終劫協玉華靡覺方日始
源神齊洞化淪伏忘定征河侯結上觀景珠
璋琳庭理元二虛表凝澄豈虧盈太陽交重
陰迴拂存落冥同任六覺外靈唱齊一聲運
璣璇漢道煥煥動華瓊萬神騰朱馬千魔无
暇生妖滅水火宮真躬寶太貞四命此何理
神定嚮呼召地獄土精匿烝山獄藏雲九源

絕滅推校千精執馘雷震帝啓道四明奉
轅摧爛萬邪勒割鄧山九鬼共首千魔同身
五帝秉鉞神公吐煙紫明煉觀朱烝累纒靈
走夜臺精藏長綿毒獸萬尺所屠无親有何
小妖聚百累千交烝齊瞻當人生門神虎縱
威斬覆暴殲太无奇道至靈所甄子今受之
永以佩身萬試不校千妖不干玉華詣房天
真遊旋諷明靈音上朝三元歌畢於是
太上大道君乃命左玄玉郎鬱梨玄執紫金
羽節召太微天帝君太微天帝君變化精烝
操真策虛囑吃萬神權羅本初手執金真淡
明太元忽聞命卒行登初駕羽靈朱皇啓道
輦甲天下萬虎驅除金龍御兵玉節投景飛
華入冥流燭煥陣行啓日精打碧鼓之滂液
叩瓊鐘之砰砰於是玄鈞合和廣樂遐後九鳳
延頸而唱嘯百龍銜津而同响金精踊音八
鸞翔舞紫旂建霄錦旒繞野綠蓋列廢曲晨
欽舉流鈴交擲月明微響瓊珩表真個停五
象香華散煙雲苑三景輕霄納暉薄霞帶光
鳴響七道八舉浮空虛輦九千衛以毒龍走


雲赴玄聚烝攝風天明翁潰八光朦朧真女
右騎左命靈童儵欵千億已到上宮停駕玉
清身超帝幄徇步紫闈稽首待通既至良久
太上大道君乃勅命侍晨四臣徐引以前登
藥珠之闈入七映内房太微天帝君稱名曰
賤臣今到請聞大命矣
太上大道君曰李山淵德合七聖為金闕之
主方當恭謁十天理命億兆定中元於玄機
制陰陽以齊首拔真擢領封河召海斷任死
生把執天威誠滅六天總罰三官羅執此帝
明公侍軒道亦高標德弘逸遠任亦重矣掌
亦倅也我既已說之以智慧又復記之以消
魔智慧可以驅神消魔可以滅邪復授之以
神虎真符使威誠六天誅之以揮神高章亦
助之散穢去患也且太微天帝君所寶有金虎
真符以制天地神靈叱之以行便得摧斬千
精佩之而往則萬鬼滅形衆魔妄侵而即死
群妖闕之而目冥乃可俱投山淵以成其任
乎於是
太微天帝君稽首唯唯乃解雲及發瓊函七

光映素流日啟真九暉停曜飛香交纏執符
未授顧命太微侍女紀林華嚴採雲朱條煙
韓放要等合歌金真之詩步虛之曲其辭曰
太冥絕四玄洞景寄神通玉臺敷朱霄綠霞
有金墉上挹雲珠嶺仰投无刃峰靈鏡耀紫
館藹暉暉冲空冥化經玄琅挹節携紫童圓
塗无凝悞綺藹復有重南排朱阜户西踰豪
缺窻體矯萬津波神生躡十方玄歸反寂棘
上響乘天龍

冥據飛景輿揮鈴七道遊輕朗雲塵律款已
造玉州左攝玉映妻右命金真夫上接飛霄
賢術援靈妙疇彌經廣寒宇披錦入神丘鳳
腦固劫齡藥醴反華頰太上冥壽檢制命萬
杪階三覺承玄數縱歡煥牙迴颺紫停瓊華
紫桂何棲棲琳實鳴九霄玉節微太微黃策
過德乃豈罕真人暉存素入无質百象始俱
遺露陽丹杰頰爛燦絳雲飛齋契玉映靜炫
懸上清畿神靈應冥數順感招兆世洪津浪
紛蔚併景參容齋我我金闕子蕭條入雲際
俯仰萬光變將順同精契玄棲絕寂臺清詠

智與慧消魔滅萬鋒揮詩以遂穢金虎承天
威摧神以匿氣掃妖千萬頃萬里无邪芥於
焉大神割血百精喪目金虎奮豪吐威放毒
收鬼无間橫截剝腹六天共首神靈頓跼鳥
獸藏音林草偃伏太元奇逸靈文朗郁佩之
而進得以朝玉皇禮之於瓊寢衆真詣其房
有泄於神虎文禍及於九宗有漏於金虎真
符殃逮於七祖翁山淵藏之道德之英矣歌卑
太微帝君乃授李君金虎真符馳普陳謝而
各別去李君既得奉受二符及聞太上說智
慧消魔之二經並告上相青童使與上宰四
輔撰集成爲文令常施用以傳宿命當爲
真人者七百年中聽三授之此詩希微異音
多是天地萬精群靈之名千魔嘉妖之隱諱
者也太上詠其名以顯其化以敘其事以盟
其符矣神映八觀靈洞奇落威靈之秘符滅
魔之妖作是神虎首其上標金虎班其次序
智慧劇乎文中消魔陳其字間矣若夜中恐
畏但諷此二篇詩則千精進匿如與萬人同
宿山川聞此詩誦其神皆執鞭向聲處而拜

敬也况佩神金以流煥六天何得不聚伏耶
若有志道之士遊行五嶽欲昇仙騰超不得
太微天帝及太一君諱名目金虎真符則名
不得上仙府也佩此符并誦滅魔之文則
千精進匿如與萬人同宿山川聞此誦其大
神皆執鞭向聲處拜敬也若佩太微天帝諱
及太一君字皆當實盟信義請受師口訣不
得經歷滂穢所謂八地隱術之秘妙也慎勿
輕泄傳非其人殃流百世時不能受此恐有
發泄封還名山





洞真太上說智慧消魔真經卷之二

洞真太上說智慧消魔真經卷之三 內三

守一品

太上告金闕帝君曰凡夫勇猛能從科戒制伏心形積功累德永成大聖要由守一本无形而能感應感至須形隨因見果一有一无无穷无極无勞无損无滅无增无咎无累无死无生无生常生无死无死之生无生一切一切禀生資此无死无死能生生成无數守之者智慧弃之者愚癡愚癡致死而智慧保生生者可貴一切所欣欣生惡死含悉所共而求生者不生畏死者促死死生不得其道是以乘於所期不乖所期決在智慧智慧先起起知有一者生悉生相生不得忘遺不得墜過過悉求生生悉斷絕絕即為死死未由生冥冥長善識者悟之悟之不早是名无知无知陷愚下愚下難化化而不知知而不勤勤而不能久久而不能精精而漏泄是名无斷无斷墜癡癡劇不改非智慧也智慧者改迷入道捨邪還正守其生悉生相生生悉變化離合成三二曰始元也二曰元洞

也三曰玄空也下曰玄元元元空救疾消災乘空可也中曰元元元元洞延年不死除礙可也上曰始始始元元相生不絕妙有可也妙有兼三元洞空也有未能兼習空習洞習洞者修德益算延年獨則抑想偶則不施存身為本接物為末本末一名為慧也習空者立功教化救贖偶則施人獨則篤已濟物為前成身在後後前高二名為智耳習元者修德立功一動一靜物我兼濟一後一先隨時不失一疑一施生已生子生身生人人神通暢名智慧也智慧之元元極道源源本无名強號曰始始始之先以生為急急生者生物而我常生生生者不絕為道種疾愈矣消加笨无極思被无窮故一係最妙學者不知非智慧也知此一者即是始一能兼三事故稱元一次曰玄一總謂三一三一之中三事各異異而行之功德有深淺混而同會名號極宗源源一之妙不增不減不死不生而生生死極故最高最尊獨立不改而生生之人須陰陽配對一係諦識相生兩半成一一生三焉